

明太祖革命武功記

署居正



明太祖革命武功記卷五

湖北蘄春方覺慧纂

平張士誠記

一、張士誠起兵高郵徙都平江。張士誠泰州白駒場鹽丁有第三人，併以換舟運鹽爲業，緣爲奸利。士誠有膂力，輕財好客，得羣輩心，常鬻鹽諸富家，富家多陵侮之，或負其值不酬，而弓手邱義使氣，更窘辱士誠，不能堪。結壯士李伯昇等十八人殺義，併滅諸富家，縱火焚其居，入旁近場，號招少年謀舉事。時至正癸巳正月也。先是李華甫判泰州，士誠密與深結，至是殘其故黨，士誠憤殺之，併率其故黨行丁溪爲大劉子仁所厄。第士義冒矢死，士誠激攻子仁破之，附者益眾。五月，陷泰州。元命楊州知府李齊諭

降之時元參政趙璉移鎮泰州促士誠治划船應淮泗士誠心疑有變伺間執璉殺之進陷興化結砦德勝湖有眾萬餘元左丞僕哲篤鎮守高郵士誠黨人乘間掠高郵僕哲篤倉皇出走士誠遂襲據高郵甲午正月自稱誠王僭號大周建元天祐罪唯錄張士誠傳丙申年周天祐三年二月張

士誠遣其弟士德陷平江路併陷湖州松江常州諸路改平江曰隆平府士誠自高郵徙都之明通鑑前編卷一

二遣楊憲通好於士誠被拘命徐達攻常州擒張湯二將

六月都元帥以初下集慶慮張士誠在平江梗我東道遣儒士楊憲通好于張士誠書略曰近聞足下兵由通州遂有吳郡昔隗囂據天水以稱雄今足下據姑蘇以自王吾深爲足下喜吾與足下東西境也睦鄰守國保境息民

古人所貴，吾甚慕焉。自今以後，通使往來，毋惑於交構之

言，以生邊釁。士誠得書，以比之隗囂，不悅，拘留憲不報。實錄

卷四七月，張士誠誘我斥候，以舟師攻鎮江，復脅降人陳保

二叛，誘執詹李二將以去，併以舟師助攻鎮江。按保二常

人初聚眾以黃帕裹首為幟，號黃包頭軍。湯和等下鎮江，徇奔牛呂城，保二以眾來降。至是，叛降士誠。統軍

元帥徐達等禦之，敗其軍於龍潭。都元帥聞之，諭達等曰：

張士誠起於負販，謫詐多端。今來寇鎮江，是其交已變。當

速出軍毘陵。故城在今丹徒縣東十八里。先機進取，阻其詐謀。於是達

帥師攻常州不下，請益師。都元帥遣兵三萬往助之。九月，

徐達、湯和等進薄城壘。達軍於城西北，湯和軍于城北。張

彪軍于城東南。士誠遣將來援。達語諸將曰：士誠師甚銳，

使其勝勢不可當，吾當以計取之。乃去城十八里設伏以

待仍命總管王均用率鐵騎爲奇兵達親督師與之戰鋒
既交均用鐵騎橫衝其陣陣亂反走遇伏兵突起大敗之
擒其張湯二將士誠始懼明通鑑前編卷一按夏燧
闕常州于七月紀事本末系之九月證之明史本紀七月
士誠引兵攻鎮江徐達敗之進圍常州不下是圍常州始
于七月而敗士誠之兵及獲其張湯二將皆七月以後事
也畢鑑言達攻常州請益師太祖遣兵三萬往助之則與
本紀攻常州不下之語合請兵往返必需時日則攻士誠
兵當在九月而太祖貽士誠書乃在下集慶後取鎮江前
畢鑑系之六月是也獲張湯二將事見明史徐達及張士
誠傳但張湯二將不著其名據龍飛紀畧皇明通鑑紀事
本末皆以是年所獲之張將即士誠之弟士德也故紀事
本末又言十月復敗士誠弟士信于舊館擒其驍將湯元
帥是張湯二將諸書皆以爲張士德湯元帥而證之明史
徐達傳言明年克常州徇宜興使前鋒趙德勝下常熟擒
士誠弟士德又趙德勝傳亦云攻常熟擒張士德據此則
士德被擒乃十七年下常熟時非是年所獲張湯二將中
之張將可知而士德被擒乃在常熟併非常州又可知也
今從明史列傳余攷太祖實錄亦言攻常州擒士德系之
元至正十六年七月似有十一月丁丑朔徐達兵圍常州
失實者仍從夏氏所攷正

久不下吳國公復益精兵二萬士誠守將誘我長興新附
義兵元帥鄭僉院以兵七千人叛去圍常四面去其三達
營於城南常遇春營於城東南三十里外士誠挾鄭僉院
攻徐達湯和壘達勒兵與戰常遇春廖永安胡大海來援
內外夾擊大破之餘軍奔入城士誠復遣其將呂珍馳入
常州督兵拒守達復進師圍之城中益困實錄卷四丁酉年是

張士誠降於元

二月遣耿炳文

炳文君用之子也君用既死令炳文襲其父總管職領軍事

劉

成自廣德取長興張士誠將趙打虎以兵三千迎戰敗之
克其城打虎走湖州克長興獲戰艦三百餘艘擒守將李
福安義兵萬戶蔣毅率所部二百人降長興據太湖口陸
通廣德與宣歙接壤爲江浙門戶吳國公得其地太悅三
月改長興州爲長安州立永興翼元帥府以耿炳文爲總

兵元帥劉成爲左副元帥李景元爲右副元帥守之實錄卷五

有儒士溫祥卿避亂來歸炳文引入幕府守禦之計多決

於祥卿未幾張士誠遣左丞潘原明元帥嚴再興來寇炳

文復破之生擒數百人斬首甚眾原明等逃去炳文又遣

部將費聚追至鎖橋斬首三百餘級自是士誠不敢犯長

興者四年皇明詠化類編開基卷一三月呂珍因城中糧食頗足以誘

叛兵入城但兵多糧少不能自存達師攻之益急呂珍宵

遁實錄卷五遂克常州改常州路爲常春府立長春樞密院進

達僉樞密院事以湯和爲樞密院同僉統兵鎮守明通鑑前編卷

上

三乘勝下泰興取江陰進攻常熟擒張士德等五月命

兩淮分院副使張鑑同僉何文正帥兵攻泰興士誠遣兵

來援元帥徐大興張斌擊敗之擒其將孫文德遂克泰興

明通鑑前編卷一

樞密院判俞通海趙德勝以舟師略太湖馬蹟

山降張士誠將鈕津等東趨洞庭山艤舟胥口會呂珍兵猝至諸將欲避其鋒通海曰不可彼眾我寡退則情見勢絀彼益集其眾邀諸險以擊我我何以當之不如與戰乃身先士卒敵矢如雨中其右目通海不爲動卽令從者被已甲立船上督戰呂珍以爲通海不敢逼徐引兵去

實錄卷五

六月遣分院判官趙繼祖元帥郭天祿鎮撫吳良取江陰張士誠據秦望山以拒戰繼祖引兵攻之會大風雨敵兵崩潰我師據其山進攻州城西門克其城擢良爲分院判官督兵守之吳國公諭吳良曰江陰密邇士誠去姑蘇百餘里控扼大江實爲東南之屏蔽汝約束士卒毋納逋逃

毋貪小利，毋與爭鋒，保境安民而已。良奉命謹脩守備，敵

至，輒擊走之。

明通鑑前編卷二

先是，士誠北有淮海，南有浙西，江

陰、長興二邑皆其要害。長興據太湖口，陸走廣德諸郡，江

陰枕大江，扼姑蘇，通州濟渡之處，得長興則士誠步騎不

敢出，廣德窺宣歙，得江陰則士誠舟師不敢泝大江，上金

焦，至是併爲吳國公所有。士誠侵軼路絕，七月，徐達兵徇

宜興，使前鋒趙德勝攻常熟。時士德守禦城中，達戒德勝

曰：張九六

壯名德

狡而善戰，宜避其鋒，當以計取之。于是德

勝師次城下，士德迎戰，遇伏馬蹶，遂爲德勝所擒，乃克其

城。士德勇鷙有謀，能得士心，略定浙西，皆其力也。旣被擒，

士誠大沮。士德至建康，吳國公厚禮待之，以俟其降。

士德以身

繫事無所成，遣人間道貽士誠書，俾降于元，遂不食而死。按夏氏攷異，畢氏通鑑攷異引後編辯證曰：實錄載士德

被誅而劉辰國初事蹟云不食而死今攷陳基祭文云能
厲聲罵賊而不能食不義之食則以爲不食而死者是也
士德被誅此實錄正名之書法證之士誠傳亦云士德在
金陵竟不食而死今從之余亦照其攷正

四、士誠遣使求和餽糧以求士德不許遂降於元 士誠
以其母知士德被擒遣孫君壽奉書來請和書曰始者竊
伏淮東甘分草野緣元政日弛民心思亂乘時舉兵起自
泰州遂取高郵東連海澳番官帥併力見攻自取潰散殺
其平章實理門參政趙伯器遂成深仇彼乃遣翰林待制
烏馬兒齎詔撫諭餌以爵賞卻而不受今春據姑蘇若無
名號何以服眾南面稱孤勢使然也伏惟上賢以神武之
資起兵淮右跨有江東金陵乃帝王之都用武之國可爲
左右建立大業之賀向獲詹李二將禮遇未遣繼蒙遣使
通好愚昧不明又稽行李今又蒙遣兵逼我毗陵晝夜相

攻咎實自貽夫復何說然省已知過願與講和以解困阨
歲輸糧二十萬石黃金五百兩白金三百斤以爲犒軍之
資且歸楊憲以求土德各守封疆恆爲盟好不勝榮感之
至都元帥復書曰睦鄰通好有邦之常開釁召兵實由于
爾乃誘其叛逆給執我詹李二將既遣儒生楊憲齎書通
好又復拘留構兵開釁誰執其咎我是以遣將帥兵攻圍
常州擒張湯二將尙以禮待未忍加誅爾既知過能不墮
前好歸使臣將校仍餽糧五十萬石卽當班師況爾所獲
詹李乃吾偏裨小校無益成敗張湯二將爾左右手也爾
宜三思大丈夫舉事當赤心相示浮言誇辭吾甚厭之士
誠得書復不報是時士誠旣數爲我師所窘南攻嘉興杭
州又爲苗帥楊完者所敗適獲士德潛遺來書乃使蠻子

海牙爲書請降于元浙丞相達識特穆爾願就招安達識亦幸其降承制授士誠太尉士誠雖奉元正朔而城池甲兵錢穀皆自據如故

皇明通紀卷一

五攻石牌擒士誠將樂瑞攻下宜興廖永安追敵於太湖爲士誠將呂珍所獲戊戌年正月張士誠將樂瑞朱定被擒初江陰石牌民朱定者販鹽無賴武斷鄉曲與石橋富民趙氏有隙眾相攻擊定乃降元授江陰判官尋復爲盜元遣江浙參政納麟合刺討之定窮蹙聞張士誠據高郵乃遣人導士誠兵由通州渡江入常熟陷平江士誠署定爲參政遣元帥樂瑞戍石牌以通舟師往來至是吳國公旣取江陰命樞密院同僉廖永安判官俞通海桑世傑率師攻之瑞拒戰世傑奮戈躍馬陷陣而死永安直前奮

擊遂據其地奪回馬馱沙擒定瑞等盡獲其海舟吳國公

復進吳禎爲天興翼副元帥仍助吳良守江陰世傑無爲州太平鄉

人自少慷慨有大志壬辰兵起世傑集少年保里乙未五月與廖永安等率舟師來歸六月從上渡江丙申三月從

入建康屢受招武大將軍統兵元帥繼攻常州張士誠遣兵

寇常州守將湯和擊敗之獲卒數百人實錄卷六二月李文忠

等取青陽石埭太平旌德諸縣復進兵擊敗元院判阿魯

恢兵於萬平衛遂破苗獠于昌化獲其婦女輜重甚眾文

忠恐士卒恃此驕富莫有鬪志因激怒使盡殺所獲焚其

輜重曰此何足惜能努力破敵何患不富貴乎眾咸奮勵

進取淳安皇明從信錄卷二六月張士誠兵寇常熟縣廖永安與

戰于福山港大破之追至狼山獲其戰艦而還七月廖永

安又敗張士誠兵于通州獲其戰艦而還總管胡通海等

襲九華山寨克之是時寨首鮑萬戶有眾二千據險自固
四面設礮石機弩以拒兵莫能進通海乃與潘德等引兵
潛由磴道攀援魚貫而上因風縱火燔其寨遂克之

實錄卷六

八月張士誠寇江陰守將吳良擊走之俘獲士馬輜重九
月元苗帥左丞楊完者爲張士誠所殺其部將員成率李
福蔣英劉震黃寶以兵三萬人詣德興營降士誠以楊完
者死益無所憚遂遣兵駐杭州嘉興紹興皆爲所有

皇明從信

錄卷二

十月徐達邵榮克宜興先是達榮攻宜興久不下吳

國公遣使謂達等曰宜興城小而堅猝未易拔聞其城東
通太湖口張士誠餉道所由出若以兵斷其餉道彼軍食
內乏城必破矣達等乃遣兵絕太湖口而併力急攻城遂
拔之同知樞密院事廖永安復率舟師擊士誠眾於太湖

乘勝深入遇呂珍與戰不利爲所獲士誠欲降之永安不
屈拘囚之

實錄卷六

吳國公以所獲士誠兵三千人易永安士

誠不許命楊國興守宜興國興屢破士誠師勞來安集民

多歸焉

罪惟錄張士誠傳

六立管領民兵萬戶府訓練壯丁編組爲伍 吳國公立

管領民兵萬戶府諭行中書省臣曰古者寓兵於農有事
則戰無事則耕暇則講武今兵爭之際當因時制宜所定
郡縣民間豈無武勇之材宜精加簡拔編組爲伍立民兵
萬戶府領之俾農時則耕閑則練習有事則用之事平有
功者一體陞擢無功令還爲民如此則民無坐食之弊國
無不練之兵以戰則勝以守則固庶幾寓兵於農之意也
七吳國公命胡大海攻蘭谿自率常遇春征婺州延儒士

許元宋濂等復興學校時羣雄割據吳國公固守江東

諸郡以觀四方之勢乃謀取浙東胡大海率兵攻蘭谿克

之進攻婺州今金華府不下命李善長徐達守建康自率常遇

春等兵將十萬往征之由寧國道徽州召儒士唐仲實姚連

等咨時務訪治道問民疾苦聞前學正朱升名召問之對

曰高築牆廣積糧緩稱王吳國公悅命預帷幄密議皇明從信

錄卷二十二月大兵次蘭谿以耿再成為先鋒金朝興統卒

為奇兵茅成駐兵杭州之臯亭山為應援時胡大海薦其

同里儒士王宗顯皇明開基卷之一吳國公令宗顯往探婺

城軍情宗顯少攻儒業博涉經史避亂僑居嚴州至此感

胡大海之知遇遂至婺近城五里舊識吳世傑家探得城

中守將各自為心回報吳國公喜曰我得婺州令汝知府

事遂進攻城首敗處州參政石抹宜孫所遣援兵時元石抹宜孫守處州聞大兵克徽州進攻婺城與參謀胡琛章湓議爲守備造獅子戰車數百輛以其弟石抹厚生守婺繼令琛等將車師爲援自率眾萬餘出縉雲以應之琛至松溪聞吳國公至觀望不敢進吳國公謂婺倚石抹宜孫故未肯卽下聞彼以車載兵來援此豈知變者松溪山多狹路車不可行令以精兵遏之其勢必破援兵旣破則城中絕望可不勞而下之命胡大海養子德濟誘其兵於梅花門外縱擊大敗之琛等遁去

皇明世法錄卷十三

次日攻城未下

元守將同僉寧安慶與治書帖木烈思不和夜遣都事李相繼城請降約開東門納兵吳國公許之因給飛字號五百入城之日作本部將帥家照證以明順逆兵旣入敵惶